


50

ZOLANTE  
DE MONELO  
CHE CANZONA LE SO VA-  
LENTISIE FATTE CONTRA  
L'ARMADA TVRCHESCA.



---

IN VENETIA.

[1572]

**F** E bozzolo signori, stè à scoltar

*Le proue de Zolante de Monelo*

*Brauo de capelina, che per mar*

*Val piu de cento in sun ogni uasselo,*

*Mi son sta'l primo in frotta à scomenzar*

*Contra i Turchi in armada à far mazzelo.*

*Quando per gratia del nostro Signor,*

*Hauemo habuo uittoria, e grand' honor.*

**E** perche'l caso è sta si presto e grande,

*Che à mala pena à mi che son sta in fatto*

*Credo quel che me uegno a recordando,*

*Dubito esser da uè spazzà per matto,*

*Ma sapie certo che mi canzonando*

*Farò de uerità giusto un retratto,*

*E chi nol crede se puol informar*

*Quanto Zolante ual, zo che'l sa far.*

**V**ardeme in uiso co son cepelao,

*S'ho ciera d'hauer mai uoltà la schena,*

*Son sta da mille Turchi circondao,*

*Ne mai persi per zo scrimia ne uena;*

*Pluton no se sta mai tanto aliegro,*

*Quanto quel di che ghe ho da mi da cena;*

*Ve so ca dir, che Caronte in quel zorno,*

*Ha scouegnuo menar la barca à torno.*

**E** si uoi dirue'l uero, e si uole se

*Diruele à una à una tutte quante,*

*Quando ch'arecordar me le podesse,*

*No serue'l tempo, perche le se tante*



Co se à numero in Ciel le stelle speſſe;  
 Baſta pianze per mi tutt' o' l leuante,  
 Conſiderè po uù' l reſto da pò  
 Appreſſo a quel che ue raſonerò.  
*Saluo la verità, credo che giera,*  
*Quando che me ſlanzi s' una galia*  
*Turcheſca, da treſento alla frontiera*  
*De quelle beſtie, e de quella zenia,*  
*Che co i balchete ſta mia brutta ciera,*  
*Preſti da gatti i ſe toleua uia;*  
*E mi in do ſalti con ſta mia Tien' duro,*  
*I ſpenſi al baſſo, da ſto chiaro al ſcuro.*  
*E puo del reſto de quella canaia,*  
*Intanto co ſe fa do zotti e un ſalto,*  
*Con ſto mio braccio, e con ſta mia che taia*  
*Ogni ferro, ogn' azzal, e duro ſmalto*  
*Me cazzo in mezo, a chi ſcapina e ſbraia,*  
*E à chi ſe cerca à calumar in alto,*  
*Cuſighe ſon al pelo, e in quattro botte*  
*Mando tutti à l' inferno, a frotte à frotte.*  
*A un che me uene incontra che la ſorte*  
*Menaua al fin de la ſo furbaria,*  
*Credando ò ch' ignorante, à dar la morte*  
*Al dio de l' arme, e della brauaria,*  
*Ghe meno un pugno col mio uanto forte*  
*Donde che ſta la noſtra fantaſia,*  
*E ſenza teſta el conzo, al uoſtr' honor,*  
*Dretto co ſe una forma da ſartor.*

Mo d'un che se credeua da scampar  
Sul alboro, ascolte c'hauerè spasso,  
Che in quel che'l se credeua a rampegar  
Super le corde, e che'l slongaua'l passo,  
Ghe zaffo i pie e ghe i faccio slargar,  
Tàto che un pezzo in la, l'altro in qua lasso,  
Con la facilità che distacchemo  
Dal ramo un frutto, ò fior dal spin tolemo.

Mo pian, ascolte questa si l'è bella,  
Si la ue par de manco d'un par mio,  
Api de dièse taggi la borela  
Con un rouerso a uoltandome indrio,  
E po de ponta cazzando sta mela,  
Vinti ghe ne impirè poder de Lio,  
Perche no songio a deso a far le mie  
Con dièse mile de quelle genie.

Mo st'altra po che no xe manco niente,  
E forse anche pi bella d'un Spai,  
Che quando'l uiste che ghe giera arente,  
A credando da scondersi da mi,  
El se ingrumete a basso da ualente  
In tun canton, per scapolar quel di  
Da le mie man, laudette'l so pensier,  
Perche de lu me tusi un gran piafer.  
Tiro d'un pe, ghe zonzo'l mando al Cielo  
Tanto in su che'l pareua un ofeletto,  
Tornando in zo'l criaua da porcelo,  
Stago a uardar cauandome spassetto,



Che in tel dar zo sò l' mandette al bor delo  
Pi de siecento Turchi al so despetto,  
Cazzando à fondi una de le mior  
Galie, c'hauesse fuora el so Signor.  
Quando uisti cusi, zaffo in tun braccio  
Un' altro è l' stanzo, e l' gramo alto criando,  
Mahometto, aida aida che me amazzo,  
In so lenguazo, e à ti m' arecomando,  
Terzo la bestia non insi d' impazzo,  
Ma senza ale per aiere suolando,  
El dette in terra a la Zaffalonia,  
E quella anema andette in malandia.  
Aldi de gratia d' un gramo meschin,  
Zo che me uene uoia à far de lù,  
Che me fese d' auanti un bel inchin,  
Digando à dominesco, orsa no più,  
Habbi respetto al mio Signor Selin,  
E à mi che son el gran Basà Portaù,  
E con la resta nua in zenochion  
Pregaua che ghe hauesse compassion.  
Penso in fra mi piu cose, e no l' ascolto,  
E à quel che uoio far dando de man,  
A un zuffo de cauelli che reuolto  
Porta quei furbi sotto al tulipan,  
E tutt' un tempol' ho stretto e reuolto,  
Alzo l' omo da terra, e cusi san,  
Cusi saluo me parse da mandarlo  
Al so Signor, della rotta auisarlo.  
E co fa un putto quando l' traze un sasso

**Zirando** l'cerendegolo piu uolte,  
**Alzo** la man, me fermo in su'l mio passo  
Con tutte le mie forze in mi reuolte  
Puo con el braccio, e me calumo à basso,  
Le crene in tel slanzar lasso desuolte,  
E me giusto à tirar da quella banda  
Che in uer Costantinopoli se manda.

**Zo** che fusse de lù, m'è po sta ditto  
Ch'el cascà in tel seraio del Signor,  
Cusi l portà la nuoua del conflitto  
De tanta armada col mio gran ualor,  
Onde a Selin dal gran dolor afflitto,  
Se dise che ghe uene'l batticuor,  
Dubitando da perder presto presto,  
La cà, la roba, la persona, e'l resto.

**E** spento da la rabbia, ghe saltà  
Tanta colera à ueder che in tun tratto,  
Quando l'credeua da esser esaltà,  
Ghe manca puoco à non esser desfatto,  
Considerando à la so infideltà,  
El se messe à far cose da arcimatto;  
Pronostico seguro che l'è indegno  
D'esser Patron d'un si felice Regno.

**Mo** per tornar la donde m'ho leuao,  
Digo che in la galia da pope à proua  
D'ognun si presto m'haui destrigao  
Che à chi ghel digo ghe par cosa nuoua,  
Chi slanza uia, chi morto, e chi anegao,  
Cusi, che è, che no xe piu no se troua



Nissun la su, che per so bon gouerno  
No habia spento Zolante al basso inferno,  
Co m'haui destrigà tutti da torno,  
Roma si solo Comito, e Paron,  
E à star in darno me tegniua à scorno,  
Calo la uela, e me conzo à timon,  
Lumo e descoro in tutto quel contorno  
Donde besogna aiuto, e in tun canton  
Balco Ochiali che mal menaua certe  
Galie nostre e da lu squasi deserte.  
In colora saltao, suppio in la uela,  
Per zonzer, e chiarir quei renegai,  
Contanta forza, che squarzè la tela  
In pezzi, e dal gran uento sparpagnai;  
Cusi no pusì adoperar la mela  
Perche in tun tratto i haui destaccai,  
E a credando a far ben, fisi un gran fallo,  
Degno si ben son mi, de un bon cauallo.  
Perche Occhiali, che se imbattete hauer  
La uela in alto con altre galie  
Intorno a uinticinque, a so piafer,  
Se tosse l'uento in puppa; e con le mie  
Forze l'scampà, da le mie forze e per  
Piu de tre dì, nol posse dar di pie  
In terra perche l'uento che ha suppia  
Sta bocca, in alto mar la remengao.  
Donca si l'ha salua'l corbame ancora,  
Agali a gali mel tegnirò a mente,  
No fu per so sauer, se che in malora

Son stà con danno mio troppo ualente,  
E si ben che son quà, uoi tornar fuora,  
E' l' uoi cercar dal Leuante al Ponente,  
Col catto el uoi magnar in zelaia,  
Za che la scappinà per colpa mia.  
Com' ho spedio de certe mie facende  
No uoi parer da zucca senza sal,  
Me partirò, perche troppo m' incende  
Sentir a dir che un furbo, un anemal  
Se ueda calchizar sotto le tende  
Del cielo, e scapolao da sigran mal,  
Cosa ch' a purassae fa rasonar  
Ch' abbia uolesto mi farlo scampar.  
S' ho fatto à posta, che sia mal menao  
Da la piu gran balena che habbia'l mar,  
E si questo no basta al mio peccao,  
Sieta dal cielo me possa brusar,  
Basta un dì se dirà che l' ho cattao  
El datio ghe hauerò fatto pagar,  
Azzo che chi canzona sia chiario,  
Ch' el tradir no se cosa da par mio.  
Del resto può, zo che uoi far no digo  
Za che'l brauar no xe mia profession,  
Gramo sarà colu che sia nemigo  
A questa Liga a stà santa Union,  
Perche no stimo tutto'l mondo un figo  
Quando son instizza per la rason,  
E chi ha da uiuer vederà Zolante l  
A far acquisto de tutto'l Leuante.

I L F I N E.